

# CITONDEZYO CA MESIYA



Atu kotamike mitwe yesu kwakaindi kaniini buyo.

Oyandwa Leza, cindi twa mvwa lwiimbo olo, “Jesu uli mumsi, a zintu zyoonse zilakonzeka,” ci botelezya myoyo yesu kuziba kuti eyo ni nyimbo kwiinda. Bwalo Mbwini. Uli waano. Mwami, Nda syoma kuti Wali kunze buyo lya cikombelo ndyoonya lino, akwalo; oyo mutumbu muniini kajisi muvwanda oyo muniini, katetede loko, mu mvula; alimwi oyo mwaalumi mukubusyi kaita umwi muyandwa wakwe, kulaale mu cibbadela, kafwa. Ko swiilila mipailo yesu, Mwami. Kuli bantu bakkede mu mbungano eyi buzuba boonse, kuzwa sikisi okuloko cifumo cino. Ba lindila ku Kubona, Mwami. Ba katumvwa kwaambaula sunu kuti Wa kabuka kuzwa ku bafu. Elyo Nduwe Jesu nguwenya ucipona sunumasiku, kumane myaka ili cuulu amyaanda ili fuka. Yebo ucili Jesu. Elyo twa komba, Leza, kuti Uyo ponya muntu onse ucisidwe uli mu Busyu bwa Buleza. Akube kuti kutabi muntu ukompeme akati kesu cindi kuswaangana oku kwamana. Kotu tondezya buyo, Mwami, kuti Uli waano.

<sup>2</sup> Tu yeeya bantu bobilo aa cifumo eco ca Pasika, abo baka tyompwa, kwiina kuzumbauzya, pele manji ano bali tyompedwe sunumasiku, abacisidwe aba takonzyi kuba kabotu, bamadokota bakabalanzya meso buyo, elyo mbuli mbo bakali kuya mu lweendo lwabo, kwakali Mweenzu Oyo wakeenda kuzwa a kwaambaula ambabo, kaambaula kujatikizya Magwalo, bumwi bwa buzuba. Elyo ku ciindi camasiku, cindi Na kaba bikka mu kaanda a kujala mulyango, Wa kacita cintucimwi. Wa kacicita mbubonya buyo nzila Mbwa kacicita kakutanaba kubambulwa, alimwi ba kalizi kuti oyo wakali Mwami wakabuka. Wa kazimaana kuzwa ku meso abo. Ba kazuzza cakufwambaana, kujoka kuyo ambila bamwi, “Wa kabuka kuzwa ku bafu.”

<sup>3</sup> Leza, twa komba kuti Uyo boola akati kesu sunumasiku a kucita zintu ezyo Nzya kacita kakutanaba kubambulwa Kwakwe. Myaka ili cuulu amyaanda ya fuka tacili cintu kuli Nguwe; Walo Mbutamani. Elyo akube kuti banji okuno sunumasiku beende kuya ku muunzi cakufwambaana, kwaambila mukaintu wabo, mulumi wabo, bayandwa babo, simukobonyina, “Ula pona! Wa kalibonya kuli ndime sunumasiku! Wa kaponya malwazi angu! Ndi yooba kabotu lino.” Kopa eci, Taata. Twa cilomba mu Zina lya Jesu. Ameni. (Inga mwa kkala.)

<sup>4</sup> Nda usa kuti Nda anga jwi, pele Nda pakasizye loko ku kanana, kubapatizya; kajisi kapila, kuzwa kumatalikilo, kuzwa ni Nda kajoka kuzwa kumusanza mu Florida a okuya mu tusuwa.

Nde elede kuzwa cifumo lino, ku California, kutandila mweezi muyumu wa miswaangano. Aboobo Nda lomba Mukwesu Neville ikuti na inga wa ndikananina sunumasiku, alimwi Ndili masimpe kuti mwamvwa mulumbe mubotu. Twa botelwa cifumo cino kuswaangana kuzwa ku Mukwesu Neville. Elyo tula syoma kuti Leza uyo zumanana kuba a nguwe a mbungano eyi, mbuli walo beembeli awa.

<sup>5</sup> Lino Nda zwaa kuswaana Billy kubusena kuya, elyo wa kabaanga wandi guma ku lubazu, elyo wa kati, “Taata, bantu baliimvwi awa, alimwi bamwi babo bakaliko okuno buzuba boonse.”

<sup>6</sup> Nda kati, “Ee, Ndili kkomene kuti miswaangano yesu ili mukuswena kumamanino, aboobo tamu kayandiki kwiima.” Elyo ilawa mvula. Elyo cindi Nda boola mu buyake, ii banabukwetene baniini bakali kuzwa mu mootokala okuya, a muvwanda muniini ucisidwe, nkabela wateta kuteta. Ta kakonzya akwalo kunjila mu milyango. Pele mbuli masimpe mbo Ndi imvwi awa, Leza wakaponya muvwanda oyo, kaimvwi aanze awo. Um-hum. Obo Mbwa ingula mupailo!

<sup>7</sup> Elyo lino twamana kukambauka sunu, alimwi cifumo cino Nda kambauka aa ziiyo zyosanwe: *Kupona, Kufwa, Kuzikkwa, Kubuka, Kuboola.*

Mukupona, Wa kandi yanda; mukufwa, Wa  
kandi futula;  
Mukuzikkwa, Wa katola zibi zyangu kulaale;  
Kubuka, Wa kalulamika kwabuyo kwalyonse:  
Buzubabumwi Ula boola—Oh, buzuba bwa  
bulemu!

Twa kkala, kulangilila sunumasiku, kulindila kulibonya Kwakwe.

<sup>8</sup> Nkaambonzi nco tusyankene omuno? Nkaambonzi bantu ncoba boolela kumvwa Makanimabotu? Nekubaboobo, mu buubauba Bwalyo, Ndi kkaadi pati maningi likwela inyika njoya kasola kuba abo. Jesu wakati, “Ikuti na Nda sumpulwa, Ndiyo kwela bantu boonse kuli Ndime.” Lino cintu ncakuti, ncakuti obu bukombi mbo twaambaula, sa mbwa kasimpe? Sa bwalo Mbwini? Ikuti na bwalo Mbwini, nkokuti inga twa syoma Ijwi lyoonse Bbaibbele lya kaamba. Ikuti na tabuli Bwini, ta tweelede kuba acintu cakucita a mbubo, twe elede kuzumanana buyo mu zibi zyesu; kulya, kunywa, nkambo juunza twa fwa. Pele Ndili lumbide loko kuziba kuti Eci nco twaambaula bwalo Mbwini! Elyo bwalo mbukombi bulikke mu inyika... Nekubaboobo, bwane mu mweelwe, nekubaboobo mbukombi bulikke mu inyika obo Sikutalisya mbwa konzya kufwa a kubuka alubo, nkabela ulapona sunumasiku.

<sup>9</sup> Nda kabona mu mutende, awa mu mutende wa dolopo buzuba bumwi, oko nkoba kajana muntu, muna Buddha, waka

komezegwa. Bunji bwanu mwaka bona eco mu mutende. Bali jisi muntu oyo muna Buddha muniini oyo uubeleka zintu mbuli buyo Buddha mbwa kacita; mubwini, ta kacita maleele, pele kuyiisya kwakwe a zintuzyonse zyakali buyo mbuli Buddha. Ikuti na Buddha uli jisi muntu mu muunda, umwi mubeji; Leza uli jisi Muuya Uusalala mu muunda, Muuya wini wa Leza.

<sup>10</sup> Lino, twa kaambaula kujatikizya zintu ezi zibotu, pele sa ciyo beleka? Sa Uusalala . . . Sa Muuya Uusalala uyo jatila muntu zibi zyakwe? Sa Uyo ponya malwazi akwe? Nincobeni, Uyo cita. Ngu Leza, kwalyoonse. Lino, ikuti na twa konzya . . . Ikuti na Jesu uyo boola akati kesu a kulitondezya Mwini, kuti Ula pona, okuno sunumasiku akati kesu, ceelede kubamba umwi aumwi wesu kusyoma cisyomezyo coonse Nca jisi mu Bbaibbele.

<sup>11</sup> Sa kuli umwi awa utanaba muli umwi wa miswaangano yangu kakutanaba? Atu bone maanza anu, ayo atanaba mu muswaangano. Amulange buyo, kutandila cisela ca bbunga!

<sup>12</sup> Ta ndili sikuponya. Ta ndisyomi—tandi syomi kuti kuli muntu oyo musilisi. Jesu Kristo ngo Sikuponya.

<sup>13</sup> Elyo Wa kati, cindi Na kali ano aa nyika, kuti Leza wakali Musilisi. Lino, cindi Na kali ano aa nyika, Ta kataminina kuba Musilisi, pele Wa katondezya ku bantu citondezyo Cakwe ca Mesiya, alimwi citondezyo eco ca Mesiya cakali ca kuziba maseseke aa moyo wabo. Mbangaye bazi kuti obo mbwini?

<sup>14</sup> Cindi Na kaambila Petro, cindi na kaboola kumbele Lyakwe, zina lyakwe mbo lyakabede, zina lya bawisi mbo lyakabede; Petro wakasyoma mu nzila ili boobo, a lusyomo luli boobo, kuti Jesu waka mupa zijaluzyo zyaku Bwami, kumane, a ku mubikka ku Mbungano.

<sup>15</sup> Cindi Filipino nakajana Nataniyeli kungsi lya cisamu, a kumwaambila, “Boola ubone Oyo Ngwe jana, Jesu waku Nazareta, mwana wa Josefa.”

<sup>16</sup> Elyo oyo sibukombi bwa kusulaika wini wakati, “Sa inga kwaba cintu cibotu cili coonse cizwa mu Nazareta?”

<sup>17</sup> Wa kamupa bwiinguzi bubotu loko obo muntu uli oonse mbwa konzya kupa. Wa kati, “Boola ubone. Uta cikazya buyo butongo. Boola, uzoli bonene omwini.”

<sup>18</sup> Elyo Filipino mbwa kasikila buyo a Nataniyeli, Jesu wakati kuli nguwe, “Amubone mu Israyeli, muli nguwe mutakwe luuni!”

Wa kati, “Ino Wa kandiziba lili, Rabi?”

Wa kati, “Katana kwiita Filipino, Nda kubona kungsi lya cisamu.”

Wa kati, “Uli Mwana wa Leza, Mwaami wa Israyeli.”

<sup>19</sup> Wa kaambila mwanakazi ku mukalo eco cakali mu moyo wakwe. Ezi zintu zyakatondezya kuti Wa kali Mesiya. Elyo ikuti

na oyo Mesiya wabuka kuzwa ku bafu sunu, alimwi wabamba mulungo, a kuponya malwazi esu a kujatila zibi zyesu, mpawo cintu buyo Nca kali kukonzya kucita nku tondezya citondezyo eco neiconya alubo, kuti Walo ucipona kubamba cisyomezyo cili coonse eco Nca kapanga, ncibotu. Sa obo mbwini? Atu syome kuti lino kuciindi notu komba.

<sup>20</sup> Mwami, bantu bala lindila. Ijwi lyomwe kuzwa kuli Nduwe liyooba kwiindilila Mukwesu Neville na inga Nda amba mu ziindi zinji zya buumi. Ijwi lyomwe buyo. Lino, kuli cisela ca bbunga eli litana bwene miswaangano. Mwami Leza, Mulengi wa Majulu a nyika, kotuma Nguzu zya Jesu Kristo mu kaanda aka, Oyo wakabuka, i Muuya Uusalala oyo wakasika aa Pentekoste, alimwi akube kuti A nanike bantu kapati. Akube kuti Ndi konzye, akwalo mu ciimo eci, kulipa lwangu cakumaninina loko ku Muuya Wakwe, kuti Wa kali kukonzya kukanana kwiinda mu jwi eli lityokede elyo Nde pa kuli Nguwe, kulanga kwiinda mu meso aya Nge tuula kuli Nguwe, kutondezya zilengaano a zintu zinga znyabamba bantu kubona kuti Wa kabuka kuzwa ku bafu. Elyo cindi bantu aba babona eco, akube kuti nkamu yoonse ya bantu kai bukatana zisyomezyo zyoonse ezyo Nzya kabamba. Ikuti na baka bisya, akube kuti ba Mu bukate ku kujatilwa. Ikuti na bali jisi malwazi, akube kuti bazibe kuteeti ku mibunda Yakwe twa ponesegwa. Ko cipa, Mwami. Twa cilomba mu Zina lya Jesu. Amen.

<sup>21</sup> Lino nci kazekelo kapati. Awa, kumbele lya bantu bali myaanda yobile na yotatwe, nцитete. Cindi mwaima kumbele lya zyuulu zili myaanda yosanwe, cisela ca milioni, zintu nzyoonya zila citika. Ngu Leza. Lino mbangaye omuno bacisidwe alimwi bayanda kukombelwa, amutambike maanza anu. Mwabona, kutandila cisela ca ndinywe, na kwiinda. Nse konzyi kubaleta boonse atala awa. Ndi yeeya . . . Nde elede kubuzya Billy alubo. (Amu mubuzye ikuti na wavozya makkaadi aa mipailo. Lino, sena—sena wa cicita?) [Ii mukwesu waamba, “Iiyi.”—Mul.] Ncibotu. Ncibotu.

<sup>22</sup> Munsondo mwainda na ciindi camamanino Ne kali kokuno, teeba vozya makkaadi aa mipailo ali oonse, elyo Nda kabuzya buyo, “Mbangaye bantu awa bata kalinaba mu muswaangano?” Banji batambika maanza abo, kuti taba janikide mu muswaangano. Kuciindi niba kaima a maanza abo mujulu, i Muuya Uusalala wakazumanana, kubaambila kuti bakali bani a malwazi abo mbwa kabede, a ceeco cakacitika; akuponya bantu kumaninina loko, mane zikoto a zintu zyaka zimaana, mane kupandulwa taku cikonzyi kucitwa. Mbangaye bakaliko okuno kubona ceeco mvwiki zisyoonto zyainda?

<sup>23</sup> Ikuti na wavozya makkaadi aa mipailo, mpawo tuyo ita. Eco cipa bantu baku muunzi, akutali bantu baku muunzi; bantu abo bakali mu muswaangano, bantu bata jisi; kuboala mu mundando

wa mipailo. Ta tukonzyi kubatola boonse atala awa lomwe. Tuyo baleta buyo cabutontozi mbuli mbo tukonzya.

<sup>24</sup> Elyo Ndi yanda kuti usyomeka kuli Leza. Kosyomeka kuli lwako. Elyo ikuti na Jesu Kristo uyo boola akati kesu a kucita a kucita mbubonya buyo Mbwa kacita cindi Na kali waano aa nyika, keenda mu Galilaya, we elede ku Mu zumina ku cintu cili coonse nco bulide. Ta mweelede kuba atala awa aa cibumbili. Ula lyeendelezya lusyomo. Kulaba bantu bamwi okuno bacisidwe omuya mu bbunga, oyo uta jisi akwalo kkadi lya mupailo, bayo ponesegwa nekubaboobo. Mbangaye bacisidwe nkabela taba jisi kkadi lya mupailo? Amu tambike maanza anu. Ee, takukwe makkaadi manji aa mipailo aavozegwa mpawo, mwabona. Ncibotu, ko syoma buyo. Kolanga buyo munzila eyi.

<sup>25</sup> Andi mutondezye eco Jesu nca kacita cindi Na kali ano aa nyika. Kwakali mwanakazi, ciindi cimwi, wakaboola kuli Nguwe. Elyo ta kakonzya kunjila mu muncini uupulinta. Ta kajisi kkadi lya mupailo, pele waa kaguma moombe wa cikobela Cakwe, nkambo waa kati mu moyo wakwe, “Ndi lizi kuti Muntu waamba Bwini. Ikuti na Nda konzya kuguma cikobela Cakwe, Njo oba kabotu.” Elyo waa kaguma cikobela Cakwe, kaunka mu bbunga antela ziindi zinji kukomena kwiinda ceeci.

Jesu wakanyona, a kuti, “Nguni wa Ndi guma?”

<sup>26</sup> Petro akwalo waka Mu tapatila, a kuti, “Nkaambonzi Wa lomba cintu cili boobo, kakuli boonse basola ku Ku guma?”

Wa kati, “Pele Nda mvwa kuti Nda kompama.”

<sup>27</sup> Zilengaano zilaleta bukompami. To konzyi kucita, kusakana muli nzizyo. Elyo Wa kati, kalanga koonse ku bbunga kusikila Wa kajana mwanakazi, a kumwaambila kuti waa kajisi penzi lya kuzwa bulowa, a lusyomo lwakwe lwaka muponya.

<sup>28</sup> Mbangaye bazi boobo? I Bbaibbele lya kaamba kuti, “Jesu Kristo sunu Mupaizi Mupati ukonzya kugumwa kwiinda kukulimvwa kwa kulengauka kwesu.” Sa mbo mbubo? Ee, ikuti na Wa kali Mupaizi Mupati, oyo wakali kukonzya kugumwa kwiinda kukulimvwa kwa kulengauka kwesu, sa inga Ta cita mbubonya mbuli Mbwa kacita kaindi, ikuti na Ngu mbobuca nguwenya, sunu, amuya myaaka?

<sup>29</sup> Mpawo nywebo nomuta jisi kkadi lya mupailo, amulange nzila eyi, a kwaamba mu moyo wanu, “Mwami, Nda syoma a moyo wangu oonse, alimwi Nda syoma kuti Uyo ndiponya. Elyo andi gume cikobela Cako. Elyo Ula kanana kwiinda mu Mukwesu Branham a ku mwaambila, mbuli buyo Mbo kacita ku mwanakazi, nkabela Njo Ku syoma.” Sa inga waba uusyomeka oyo, a kusyoma Leza a moyo wako oonse?

<sup>30</sup> Billy Paul wakati, wati maminiti masyoonto ainda, kaimvwi awa, wa bwezelela mulumbo wangu wa luyandisyo. Nse

kali kuyanda eci kucitika. Eco cakali...Pele, ndamu lumba, mbubonya buyo. Ndi ciyanda eno mu lweendo lwangu lwa California. Ndiyo lubikka ku Makani mabotu.

<sup>31</sup> Yalo milumbo miniini nj mwandipa, ulizi cicitika kuli njiyo na? Nda kaunka ku Puerto Rico a Jamaica mvwiki zisyoonto zyainda, oko nkoba kalemba basanduki bali zyuulu zili makumi one mu masiku ali fuka. Ino cakacita nzi? Kwakkumi kwanu. Cindi Ne kazwa, meya wa i...mubetesi wa kasuwa wakaima, wa kati, “Tula aba abavangeli basika okuno akubweza milumbo mupati, akunji kapati kwakubelesya mali. Pele,” kati, “cindi Mukwesu Branham nakasika, taakwe akwalo nakalomba kkobili lya mali, taakwe naka tulomba kubbadela mitelo yakwe ya hotela. Elyo wa kabbadelela lweendo lwakwe mwini, koonse akoonse.” Ncinzi caka cicitika? Mali anu. Ndi yanda kuba masimpe kuti Ndi cibelesya kabotu. Aboobo, ku Mungwala wa Lubeta, cindi Nda kwiima kumbele lyanu a Leza, kweelela kupa kaambo kuli ncico, ca citwa kabotu. Nda kacibweza lwangu, kufumbwa kuti Nke konzya kuunka, kucita ku bubotu Mbwe konzya ku bulemu Bwakwe.

<sup>32</sup> Lino ta tukonzyi kuleta makkadi oonse aa mipailo aciindi comwe, aboobo Njo cileta buyo, masyoonto buyo ku ciindi.

<sup>33</sup> Nguni ujisi kkadi lya mupailo namba wani? Sa inga watambika janza lyako, ikuti na ulakonzya kutanta? Kulaale kusule, mulindu uusiya. Boola nkoonya kunselelo ku nzila eyi, mulindu. Bamba nzila yako kuselemukila awa ku lubazu lwa cibumbili. Lino nguni ujisi kkadi lya mupailo namba tuu? Ikuti na ulakonzya kutanta, tambika janza lyako, kkaadi lya mupailo namba tuu. Ii mulindu mukuwa awa. Yaa, mulindu, ko boola nkoonya kutala a kutobela mulindu oyu usiya atala awa, mpoonya atala awa. Lino amu babambe kuzunguluka nzila eyo, Doc, kufumbwa buyo eci cazula awa.

<sup>34</sup> Kkadi lya mupailo, mweelwe wa thrii, sa inga watambika janza lyako, ikuti na ulakonzya? I balombwana bali mpoonya awa, munene. Mweelwe wane, sa inga watambika janza lyako? Yaa, omulindu, mpoonya awa. Mweelwe wasanu, sa inga watambika janza lyako? Oyu mulombwana mukubusyi mpoonya awa. Kuciimo, umwi aumwi wabo ngu mweenzu kuli ndime. Mweelwe wacisambomwe, sa inga watambika janza lyako? Mweelwe wacisambomwe. Sena Nda ita mweelwe wasanu, mweelwe wasanu? Elyo mweelwe wacisambomwe, akwalo mweenzu kuli ndime. Mweelwe waciloba, sa inga watambika janza lyako? Tambika janza lyako, nguni ujisi mweelwe waciloba. Yaa, Nda syoma Ndili muzi mulombwana oyo. Nda—Nda syoma Ndili muzi. Mweelwe wa lusele, sa inga watambika janza lyako, ikuti na ulakonzya? Ii mulindu awa. Yaa, mweelwe wa fuka. Ncibotu, mulindu. Mweelwe wakkumi. Ncibotu, mweelwe wakkumi, mulindu.

35 Kuli bulubizi bumwi kubusena bumwi. Ino mweelwe nzi oyu muntu awa? Sa inga muntuumwi walanga, bamwi banu maasha wasika okuno a kubona. [Ii mucizi waamba, “Ngu makumi ali lusele ayone.”—Mul.] Makumi ali lusele aone. Mweelwe wa kkumi Ngweli kwiita mpawo, ndamu lumba, mweelwe wakkumi. Pele tula sika kuli ndinywe nekuba. Eco cili kabotu. Amulange, Ndi lizi mweelwe wako mboubede lino. Ngu makumi ali lusele aone, embo na, waamba kuti makumi ali lusele aone na cintucimwi mbuli ceeco? Yaa, kolindila buyo awo. Ko syoma buyo. Nda kwaambila, ikuti na to belesyi kkadi eelyo, kkadi lya mupailo, amulange nzila eyi a kusyoma Leza, a kubona ikuti na Leza uyo muvwiila mupailo. Ncibotu.

36 Mweelwe, sena eyo yali ya kkumi? Ileveni. Yaa, twelufu. Lino, ikuti na tokonzyi kutanta, buyo. . . Namba twelufu. Theetini, namba theetini, kusule kwini. Footini, namba footini, kusule kwini. Namba fifitiini.

37 Ala vozegwa kuli konse. I balombe abo bakavozya, kwaamba buyo, “Nguni uyanda kkadi lya mupailo? Amu jatilile maanza anu.” Bala abweza akwa sanganya onse, nkabela taakwe uziba ndya bweza. Alimwi baavozya buyo munzila eyo.

38 Mweelwe wakkumi aone. Mweelwe wa kkumi aosanwe, nguni ujisi kkaadi lya mipailo lya kkumi aosanwe, mweelwe wa kkumi aosanwe? Mweelwe wa kkumi acisambomwe, kulaale kusule. Mweelwe wa kkumi aciloba. Lino, ikuti na mweelwe wa kkumi acisambomwe uli mu buyake na kwiimikila mu kazila, kolibamba buyo lwako mu nzila koonse. Mweelwe. . . Mundi jatile, Nseni bwene janza lyako, mucizi, ali ndilyo. Uli sikisitiini? Yaa. . . [I mucizi waamba, “Seveintiini.”—Mul.] Seveintiini. Kkumi alusele, kkumi afuka, mweelwe wa kkumi afuka. Makumi obilo, mweelwe wa makumi obilo, muntu abusena awa. Yaa. Yaa.

39 Lino Nda syoma tuya bunjila moonya mu kazila awa lino, aboobo tuyo. . . [I mukwesu waamba, “Oko nkunji.”—Mul.] Waamba nzi? [“Oko nkunji.”] Oko nkunji kwa ciindi. Yaa. Ee, langa nzila eyi a kusyoma. Yaa.

Atu bone, ikuti na sikulizya piyaano, cabuteteete a cabutontozi, *Syoma Buyo*, cabuteteete buyo ncobeni.

40 I bunji bwa bantu mu kazila awa mbeenzu kuli ndime. Nse kuzi. Lino kuli bamwi omuno abo bacijisi makkaadi aa mipailo, bamwi antela bata jisi makkaadi aa mipailo. Ndiza inga twaita bamwi bambi mu mundando wa mipailo mu maminiti buyo masyoonto, cakufwambaana mbuli mbo tu bamba kazila aka kululamikwa.

41 Nda syoma kuti balombwana awa, Doc, wakali kuboola kuzwa kusule okuya, wa kaitwa kuti, kkumi acisambomwe na ciloba- . . . kkumi acisambomwe. Yaa, boola ncobeni ambali awo a kujana busena bwako, munene.

42 Lino, ikuti na toitwa, eco tacikwe cintu comwe cakucita a ncico, mwabona, langa buyo a kusyoma.

43 [Ii mukwesu waamba, “Cijisi kkumi fifitiini itako, awalo.”—Mul.] Mweelwe wa fifitiini uutako. Ndiza muntu takonzyi kubuka. Ikuti na tokonzyi kutanta. . . Muntuumwi alange kkaadi lya mupailo wa muntu umbi, ndiza musinkematwi nkabela takonzyi kumvwa. Ikuti na nkobali, kkumi aosanwe, muli tambwidwe kubweza busena bwanu mu mundando. Ikuti na bazwa a kujoka mu maminiti masyoonto, muba bikke mu mundando mbuli buyo mweelwe wabo mbo waitwa.

44 Cindi twa selemuka mu mundando awa, tuyo ita bambi mukati, ikuti na Muuya Uusalala tauboneki kuba bunanike, bantu, kutegwa baponesegwe.

45 Lino, lino nciindi cipati, lino nciindi awo Mpe sala kwaamba Bwini na kwaamba bubeji. Lino nce ciindi awo Jesu Kristo mpa tondezegwa kuzwa ku bafu, nape Ta kabuka kuzwa ku bafu. Lino nce ciindi Ngu mbobuca nguwenya, sunu, amuya myaaka, na Tali mbobuca nguwenya, sunu, amuya myaaka. Lino We elede kutondezya kuba Musilisi, nape Tali Musilisi. Elyo ikuti na umwi uyanda kubweza busena bwangu, ku kombela balwazi, uli tambwidwe kuboola a kubweza busena bwangu.

46 Mbangaye banu mu mundando wa mipailo awa, mbuli mbo mulanga awa, abo bali mu mundando wa mipailo lino, bata ndizi, alimwi ulizi kuti Nse kuzi na cintu kujatikizya nduwe, amutambike maanza anu.

47 Aanze mu bbunga, abo bazi kuti taakwe Nce zyi kujatikizya ndinywe, tambika janza lyako (nekubaboobo uli cisidwe) omuya mu bbunga. Mwabona, mpaawo we.

48 Lino ino Leza uyo cita nzi? Ndoolo Lugwalo, Muuya wa Leza mpouli awa, lino sena uyo beleka? Ikuti na Nda konzya kulipa lwangu ku Muuya Uusalala, ciyo beleka. Elyo ta cikabeleki kuli ndime citakuti walipa lwako ku Muuya Uusalala, “Nkambo milimo minji yanguzu Jesu takali kukonzya kucita mu cisi Cakwe Mwini, nkaambo ka kutasyoma kwabo.”

49 Lino kosyoma a moyo wako oonse, amubatame loko mbuli mbo konzya. Amwiime cabutontozi, amulangilile. Ikuti na Muuya Uusalala wacita cintucimwi, mpawo amusekelele, mpawo amusyome.

50 Lino, Mwami, koonse oko nko tujisi, koonse oko nko tu. . . Ba kaimikila kusikila maulu abo katalika kucisa, baka kkala mane bakatandila kuwiduka. Lino, Mwami, acizibwe kuti Nduwe Leza. Elyo Nda ita nkamu eyi ya bantu antoomwe, ku kulailila Kwako. Elyo Ndi liimvwi awa, kutali kubonwa, na kutali kusola kulilemeka cipati na kucita cintucimwi candeene, pele nku kaambo kakuti nkutumwa kwa kandi lailila kwiinda kuli Angelo, a kutondezegwa kwiinda ku Ijwi Lyako. Aci zibwe sunumasiku kuti Nduwe Jesu Kristo, Mwana wa Leza, oyo



wakabusya kuzwa ku bafu; alimwi Kopona mu Mbungano Yako, mu bantu Bako, ku kutauka a kuzwidilizya mulimo nguonya Ngo kajisi cindi Nokali waano mu mubili wanyama. Ko cipa, Mwami. Elyo tuyo Ku lumbaizya, mu Zina Iya Jesu Kristo. Ameni.

<sup>51</sup> Lino uli kuli Billy Paul, sa uli mu buyake obu? Sa wa unka? Na, muntuumwi weelede kuboola okuno kuzo bweza aya makkaadi aa mipailo, mwabona. Boola, Mukwesu...?...I mwanakazi ujisi kkadi Iya mupailo mu janza Iyakwe. Ko lipa buyo kuli nguwe, mwabona.

Amubatame ncobeni lino.

<sup>52</sup> Lino oyu mulindu awa, kuciimo mbuli Mbwe zyi, mweenzu ncobeni kuli ndime. Elyo nkooku kubambwa kulondokede kwa Lugwalo, bantu bobilo a basisicisi bobilo baandeene.

<sup>53</sup> Jesu wakasika ku mukalo ciindi cimwi, mu Musalali Johane 4, a kuswaana mwanakazi waku Samaria. Elyo Wa kaambaula kuli nguwe kaindi kaniini, kusikila Wa kajana Iyakali penzi Iyakwe. Elyo Wa kamwaambila penzi Iyakwe. Elyo, cindi Na kacita, waa kaciziba kuba Mesiya. Mbangaye bazi boobo? Amuyeeeye mubandi wabo? Wa kati, “Mwanakazi, ko Ndi letela akunywa.” Ino Wa kali kucita nzi? Kukwaba muuya wakwe.

<sup>54</sup> Elyo waa kati, “I mukalo mulamfu, alimwi To jisi cintu cakutesya. Tacili cilengwa kuli Nduwe ku, mu Juda, kulomba ba Samaria bali boobo.”

<sup>55</sup> Wa kati, “Pele ikuti nolizi kuti Nguni ngo wambawida, nowa Ndi lomba maanzi.”

<sup>56</sup> Elyo aboobo mubandi waka zumanana mane Wa kajana Iyakali penzi Iyakwe. Mbangaye bazi penzi Iyakwe mbo Iyakabede? Waa kali kupona mu mamambi. Aboobo Wa kati, “Koya kalete mulumi wako muboole okuno.”

Waa kati, “Nse jisi mulumi.”

<sup>57</sup> Kati, “Mbo mbubo. Wali kujisi bosanwe, alimwi oyo ngo pona awe lino tali mulumi wako.”

<sup>58</sup> Lino amuswiilile eco nca kaamba. Waa kati, “Munene, Nda kuziba kuti Uli Musinsimi. Tu lizi cindi Mesiya aboola Uyo twaambila zintu ezi. I Mesiya, citondezyo ca Mesiya, Uyo cita eci cindi Aku boola; nkaambo Wa kali Leza-Musinsimi, Musinsimi, Musa wa kaamba.” Kati, “Tu lizi kuti Mesiya uyo cita ceci cindi Aku boola, pele Ino Nduweni?”

Wa kati, “Nde Ndime ukanana kuli nduwe.”

<sup>59</sup> Elyo waa kazuzila mu muunzi a kwaambila baalumi, “Amuboole, mubone Muntu Oyo wandaambila zintu nze Nda kacita. Sa oyu tali Mesiya?”

<sup>60</sup> Elyo mpaawa kwiimvwi mwanakazi muna Ethiopia ku mwaalumi wa Anglo-Saxoni, ciindi citaanzi mu muswaangano wa buumi; eco nco twiita kuti mwanakazi uusiya, mukuwa.

Cindi mubuzyo oyo naka busigwa awo, mu lusalululo lwamibala, kumbele lya Jesu, Wa kaba zibya cakufwambaana loko: kwiina lwandaano mu mibala ya bantu. Toonse twa kazwa ku samu lyomwe, Adamu a Eva. Incobeni. Masi nge tuponamo, aka cinca mibala yesu; tai jisi cintu cakucita ancico. Leza wakafwida zilenge zyoonse: muntu mukuwa, muntu uusiya, muntu wa yello, muntu uusalaluka, muntu uusubila, a boonse. Boonse nzilenge zya Leza.

<sup>61</sup> Pele mulindu uliimvwi awa nkambo ka cintucimwi. Ambweni musyomi, ambweni tali obo. Ambweni ngu sizibi. Inga kali musalali. Inga kacisidwe, inga taacita. Inga wayanda; penzi lyamali. Inga kano iminina muntuumwi umbi. Ta ndizi. Nsena mubwene, alimwi Nse jisi muzeezo umbi wa ceeco ncali waano kwiinda cimwi. Elyo mulindu ulizi obo. Sa mbo mbubo, mulindu? [I mucizi waamba, “Iiyi, munene.”—Mul.] Ikuti na mbo mbubo, tambika janza lyako kutegwa bantu bakonzye kubona. Tambika buyo janza lyako kutegwa bantu. . . Tambika buyo janza lyako. Oyu muswaangano wesu mutaanzi. Lino ikuti na Mwami Jesu uyo. . .

<sup>62</sup> Ikuti na uli cisidwe, inga Nse muponya buya mbuli Mbwe konzya kukuponya. Pele ikuti—ikuti na Jesu mpali ano inga Ta muponya, nkaambo Wa kacicita kale cindi Na kafwa aa Kalivari. Pele Ula konzya kucita cintucimwi kutondezya kuti Walo ucili Jesu nguwenya, alimwi inga waa cisyoma, inga waa ponesegwa. Elyo ciindi nciconya na kaponesegwa, inga waponsegwa, ayebo, ikuti na inga wa cisyoma. Sa mbo mbubo? Lino, akube kuti Mwami acipe. Ndi lindila bunanike bwa Muuya Uusalala, mubwini.

<sup>63</sup> Elyo lino, mu Zina lya Jesu Kristo, Nda bweza myuuya yoonse omuno ku bweendelezi bwangu, ku bulemu bwa Leza.

<sup>64</sup> Lino, mulindu, Ndi yanda kuti undilange asyoonto buyo. Ndi yanda kuti usyome a moyo wako oonse. Elyo Nse jisi muzeezo umbi wa ceeco ncoli waano, obo mbobede, kwiinda cimwi. Pele Leza ulizi koonse kujatikizya nduwe. Pele ikuti na Leza uyo ndaambila kaambo ncoli waano, nkokuti uyo syoma kuti Jesu Kristo, Mwana wa Leza, uli waano kucita a kulilemeka nzila Mbwa kacita cindi Na kali waano aa nyika?

<sup>65</sup> Sa bbunga liyo syoma, a kuzuminana komwe?

<sup>66</sup> Lino mpaawa mpo tubede, cilao cili bambidwe. Toonse twa tambika maanza esu, tuli beenzu kuli umwi aumwi. I Muuya Uusalala wakalemba Bbaibbele, wakati zintu ezi ziyo citika mu buzuba obuno, kuti Jesu wakabuka kuzwa ku bafu a zintu ezi ziyo zumanana, mulimo Wakwe uyo zumanana, alimwi mu mazuba aya akumamanino kuyooba mbubonya buyo nzila Mbwa kacisyomezya kuba. Lino sa cili luleme?

<sup>67</sup> I mulindu, mbuli mbwa libilika, mubwini, uli mukunyonganya maanza akwe nkaambo uli mukulimvwa

bweenzu ku ciindi eci. Kutali kuli ulimvwi kuli ndime; Ndili munyina, inga nse mubamba kulimvwa boobo. Pele walo uli—walo utweluka kuti cintucimwi cili mukucitika. Elyo wabona cifoto eco okuya a Mumuni oyo ali ncico, mucizi? Eco nce cimubamba kulimvwa boobo. Oyo ngu Angelo wa Mwami, Uli mpoonya atala lyanu lino. Elyo uli waano kuli ndime ku kukombela, ku penzi lya musana eelyo ndo ciswa. Mbo mbubo, tambika janza lyako.

<sup>68</sup> Lino sena mula syoma? Mwabona, kuzibya, maseseke aa moyo. Mbuli buyo Mbwa kaamba, “Muli jisi balumi bosanwe.”

<sup>69</sup> Yebo wati Ndi...lino, beenzu, inga wati, “Mukwesu Branham wayeeyela boobo.”

<sup>70</sup> Atu bone ikuti na Ca yeeyela. Nda syoma Ca amba kuli waka jisi penzi lya musana. Sa mbo mbubo? [I mucizi waamba, “Iiyi.”—Mul.] Obo bwakali bwini? [“Iiyi, munene.”] Elyo yebo, wa kajisi kupandulwa, ayebo, elyo wakazwa calino ku cibbadela. Elyo, kutegwa uzibe kuti Ndili mulanda wa Leza, mulumi wako uli kkede kusule okuya. Elyo ujisi penzi, awalo. Ikuti na Nda konzya ku kwaambila penzi lya mulumi wako mbolibede, sa ula syoma? [“Iiyi, munene.”] Walo ujisi penzi ku lubazu lwakwe a sule lyakwe. Sa mbo mbubo? Tambika janza lyako. Njo kwaambila cintucimwi cimbi. Nda bona mwaalumi mukubusyi, mwana wako, uukkede nkoonya kusule okuya, awalo. Mbubo. Elyo mwana wako ujisi musyobo umwi wa mabibo. Mbo mbubo. Muka. Stonell ndi zina lyako. Eelyo nde zina lyako, Muka. Stonev. Koya ku muunzi, Jesu Kristo waingula mipailo yako! Inga watambula eco nco lomba, mu Zina lya Jesu.

<sup>71</sup> Lino kosyoma buyo! Nyoonse nobantu basiya, amusyome a moyo wanu oonse lino. Sena mula mvwisya kuti Jesu Kristo, Mwana wa Leza, wakabuka kuzwa ku bafu? Oyo Muuya Wakwe ukubamba kulimvwa boobo.

<sup>72</sup> Lino ngooyu mwanakazi mukuwa. Nse muzi, nse jisi muzeezo wa kuti nguni, obo mbwa bede, na—na kaambo ncoli wazene. Ikuti na mbo mbubo, tambika janza lyako. Lino sena ula syoma? Ikuti na Leza uyocita, konzya kuyubununa moyo wakwe, mbuli buyo Mbwa kacita ku mwanakazi ku mukalo, mbuli Mbwa kacita ku mwanakazi uusiya, mbangaye bantu bakuwa banga basyoma ikuti na Wa kacicita? Awa, mebo a mwanakazi oyu, a maanza esu mujulu, oyu muswaangano wesu mutaanzi.

<sup>73</sup> Nda amba cintu comwe, mulindu tazwi kokuno. Wa boola kuzwa kujwe, kuboola kumbo cindi wa boola okuno. Mbo mbubo. Uzwa ku Ohio, nkabela dolopo lyakali Dayton. Mbo mbubo. Elyo kaambo ncoli waano, nkaambo kakuti ujisi kukompama. Elyo ujisi bulwazi bwa kulibilika, kaambo nco takonzyi koono. Wa bweza musyobo umwi wa misamu ya oyo. Ba kwiita kuti “Connie,” mbo mbubo, Mason. Mbo mbubo.

Ko jokela, uyo ona lino, kuzwida sunumasiku. Jesu Kristo wakubamba kuba kabotu. Koya mu Zina Iya Mwami.

<sup>74</sup> Ikuti na mwakonzya kusyoma! Lino nywebo nomuli okuya mu bbunga, kuciindi bunanike bwa Muuya Uusalala nobuli ano, mula syoma, nywebo nomuta jisi makkaadi aa mipailo.

<sup>75</sup> Ino kujatikizya mudaala oyo wakaimvwi awa kaindi kainda, kuti, takali kukonzya kuba . . . takali kukonzya kunjila mu mundando, wa kajisi mweelwe ulubide, ino wakali kuli? Yebo, koima ku matende ako. Sena mula syoma kuti Jesu Kristo kuba Mwana wa Leza? Sena ula ndisyoma kuba musinsimi Wakwe? [I mukwesu waamba, “Iiyi, munene.”—Mul.] Ncibotu. Ujisi penzi ku mapunga ako. Mbo mbubo. Kwa kusiya lino, koya ku muunzi a kuba kabotu! Jesu waka kubamba kuba mapunga mabotu, mwabona.

Koba a lusyomo, a kusyoma. Leza ngu Leza.

<sup>76</sup> Wapona buti, munene? Sena ula musyoma Mwami Jesu Kristo? [I mukwesu waamba, “Ameni.”—Mul.]

<sup>77</sup> Lino, kwakali muntu wakasika kuli Jesu ciindi cimwi, elyo wa kaunka a kufutulwa, a kuunka a kwaambila mweenzinyina umbi, a kumu leta. Elyo mweenzuma oyu . . . Kamwaambila kuti wakali musyomi. Elyo wa kagambwa ku kumvwa kwakwe, elyo wa kati, “Ndelili Noka sola kundiziba?”

<sup>78</sup> Wa kati, “Katana kwiita Filipino, cindi noli kungsi Iya cisamu, Ndali kubwene.” Ayo akali mamaile ali makumi otatwe kuzunguluka mulundu. Aa tende, caka mutola buzuba bwa kujokela ku mundando wa mipailo, elyo cindi na kanjila mu mundando wa mipailo.

<sup>79</sup> Sena ula syoma kuti Jesu inga wandaambila penzi lyako mbolibede? [I mukwesu waamba, “Iiyi, munene.”—Mul.] Sa inga wasyoma a moyo wako oonse? [“Iiyi, munene.”] Sa bbunga liyo syoma a moyo wabo oonse? Tali lwakwe mpali ano. Ngwa muntuumwi umbi; elyo oyo mwanakazi, alimwi uvunikilidwe cimvule ca lufu, oyo mucizi wako. Tali wako ncobeni . . . Walo mucizi wako kucibeela. Elyo tali kokuno. Uli mu cibbadela mu Tennessee. Mbubonya mbo muzwa okuya. Elyo uli . . . I mwanakazi waka jisi kupandulwa, pele tii caka gwasya pe. Elyo ulimvwi mu busena bwakwe. Leza kopa nkumbizyo yako. Koya, alimwi akube kuti Leza aponye mwanakazi oyo a kumubamba kuba kabotu, aa mbaakani ya lusyomo Iwa mwaalumi oyu.

<sup>80</sup> Mwami Leza, twa tapatila dyabulosi oyo uuli mukutola buumi bwa mwanakazi oyo. Elyo akube kuti oyu muntu, uli ngu simukowa kuli nguwe, apone nkaambo wa sika a kwiima mu busena bwakwe. Jesu, Wa kaima ku Kalivari mu busena bwesu, nkabela Wa katuponya. Elyo tula Ku syoma. Akube boobo. Ameni.

Koya, kosyoma lino, mukwesu. Uta libiliki cintu cimbi.

81 Wapona buti? Tuli beenzu kuli umwi aumwi. Eci nciindi cesu citaanzi cakuswaangana. (Lino amubatame buyo, a kuswiilila kabotu a kukomba.) Ikuti na ta tuzibene, alimwi tuli beenzu kuli umwi aumwi, ndiza ciindi cesu citaanzi nco twa kasola kuswaangana. Sa mbo mbubo? Ikuti na eci nciindi citaanzi nco twa kasola kuswaangana, tambika janza lyako. Ikuti na Leza uyo yubununa kuli ndime penzi lyako mbolibede, mpawo uyo ndisyoma kuba mulanda Wakwe? [“Iyi, Nda syoma mbobede. Uli mulanda wa Kristo.”] Ndiyo mwaambila lino. Ta tuna swaangana, pele uli muna Kentucky. Mbo mbubo. Wa kazwa ku busena butegwa Somerset, Kentucky. Mbo mbubo ncobeni. Ndi zwa ku Burkesville, Kentucky. Elyo uciswa penzi lili mu i—i mwida, matumbo, cibeela caansi loko. Alo zikoto. Mbo mbubo. Yaa, Ngale [“Oh!”], ko jokela, Leza ape kuponesegwa kwako kuli nduwe. [“Oh!”]

82 Sena mula syoma Mwana wa Leza, Jesu wakabuka? [I mucizi alubo wakwiila, “Oh!”—Mul.] Ikuti na wakonzya kutambula! Inga wagambwa kaambo mulindu nca sekelela. Inga wacita, ayebo, [“Oh!”] ikuti na wakali mu ciimo cakufwa. [“Lilumbaizigwe Zina Lyakwe!”]

83 Nse kuzi. Pele Nse li . . . Ikuti na Nse lubizya, Nda syoma waka bapatizigwa cifumo cino, nkaambo Nda bona wacita cintucimwi cibotu. Pele, ku kuziba, Nse kuzi. Wa keenda buyo mu ciziba, nkabela eco cakali . . . waa kali—waa kabbizigwa. Pele sena ula syoma kuti Jesu inga wandi yubunwida mapenzi ako? Sena bbunga lila syoma obo a moyo wabo oonse? Nda bona mwanakazi kalibonya akati ka ndime a nduwe. Yebo uliimvwi awa nkambo ka mwanakazi, alimwi mwanakazi mupati maningi kwiinda nduwe. Baa, balo mbanyoko. Tabali kokuno. Walo uzwa ku Georgia. Elyo ula libilika loko. Mbo cibede, nkucinca kwa buumi, kuya kumweezi. Elyo wi iminina banyoko. Obo mbwini. Ee, uyo cimanizya, a kuba kabotu. Koya, kosyoma lino, coonse cino manide. Ko mwaambila kuba a cambia cibotu.

84 Leza aku longezye, mwaalumi mukubusyi. Koba a lusyomo. Kosyoma a moyo wako oonse. Ikuti na mwakonzya kusyoma! Amukombe.

85 Ndi yeeyela kuti yebo a Ndime tatuzibene. Leza uli kuzyi alimwi Uli ndizi. Pele sa Leza inga wandi yubunwida penzi lyako? Elyo ikuti na Wa cita, sa inga wa Mu syoma?

86 Mbangaye bantu muno banga basyoma, a kwaamba, “Leza, Ndiyo syoma ikuti na Uyo ambila muntu oyo?”

87 Asyoonto buyo. I mulindu uukkede nkoonya kusule lya basimbi aba awa, undi langide, uciswa kuzimba akucisa kwa nsinga zya bulowa. Elyo uli kkede alya, kapailila muntuumwi umbi. Elyo muuya wakwe waguma Mupaizi Mupati, nkabela uli mu luswaanano a Leza. Yebo ukombela mulongwe wako, oyo ujisi penzi lya kuyeeya. Elyo bali mukupona mu i—i dolopo,

dolopo liniini, ngu Corydon, Indiana. Mbo mbubo. Ikuti na wakonzya kusyoma, inga watambula eco nco lombamba. Amenii.

<sup>88</sup> Wa kajisi kulwanwa kwa moyo; muni kumamanino aa lweendo. Andi kwaambile limwi lya mapenzi ako, nekuba, kufweba misanga yatombwe. Lindila aniini, oyo muuya wakasotoka mpawo. Ta yandi kucita ceeco. Eco nce cicitya penzi lyako. Ngooyu, ngo mwaalumi *oyu* mukubusyi uukkede mpoonya awa, uyanda kuleka misanga yatombwe, awaloo. Ikuti na uyo syoma a moyo wakwe oonse, cilengwa ca misanga yatombwe ciyozwa. Ikuti na mwakonzya kusyoma! Mula cisyoma? Ikuti na muyo cisyoma a kucicita, inga mwaba a kuvunwa kwanu; kutegwa mukonzye. To zwi kokuno pe. Yebo uzwa kulaale, ayebo. Ko jokela ku Owensboro lino, kolumbaizya Mwami. Koba a lusyomo muli Leza.

<sup>89</sup> Ndili kuzi, pele Nse zyi eco cilubide kuli nduwe. Ikuti na Mwami uyo yubununa kuli ndime penzi lyako mbolibede, sa ula Mu syoma? Nkokuti penzi lyako lya mwida liyoba kabotu. Ncibotu. Koya ku muunzi a kutangala, kosyoma a moyo wako oonse.

<sup>90</sup> Nse syomi kuti Ndili kuzi. Sena tuli beenzu kuli umwi aumwi? [I mucizi waamba, “Iyi.”—Mul.] Sena mula syoma kuti eco Nce . . . ? Ikuti na Nda mwaambila bwini, inga waziba kuti bwakali bwini na pe. [“Iyi.”] Ncibotu, penzi lyako lya moyo lila kusiya. Koya ku muunzi a kuba kabotu.

<sup>91</sup> Nse kuzi pe, pele Leza uli kuzi. Sena ula syoma ikuti na inga Nda kwaambila penzi lyako mbo lyakabede, alimwi awo mpo lyakabede, inga waba kabotu? Ku musana wako. Koya ku muunzi eno, ciyo kuleka nkabela uyooba kabotu.

<sup>92</sup> Muyeeya kuti Leza inga waponya cikoto eco a kucibamba kuba kabotu, kakutakwe kupandulwa? Ula cita na? Tambika maanza ako ikuti na ula cisyoma. Koya ku muunzi a kuyo citambula, mu Zina lya Mwami Jesu. Kosyoma.

<sup>93</sup> Nceenzu, cindi Ne kaamba ceeco, wa kajisi cintu nciconya. Cikoto. Wa kalimvwa kulimvwa kweenzu cindi Ne kaamba ceeco, nkaambo myuuya yobilo yaka sotoka, ciindi nciconya. Koya, Jesu Kristo uyo kubamba kuba kabotu. Kosyoma.

<sup>94</sup> Uli mwaalumi mukubusyi, kuba coondamazwi, pele sena ula syoma kuti Jesu uyo kubamba kuba kabotu? Ikuti na wacita, kozumanana kweenda, kosyoma, a kuba kabotu.

<sup>95</sup> Mbangaye basyoma a moyo wanu oonse?

<sup>96</sup> Ino kuti Nse wamba jwi kuli nduwe, pele ku kwaambila kuti Leza wakuponya cindi nosika aakkona alya elyo wa kajisi kulimvwa oko kweenzu, sa inga wandi syoma? Kozumanana kuya ku muunzi, uli kabotu. Jesu Kristo wakubamba kuba kabotu.

97 Uli mwanakazi mukubusyi uciswa kulibilika. Sena ula syoma kuti Leza uyo ponya oko kulibilika a ku ku kagusya kuzwa kuli nduwe? Wali kusola kujana busena bwa kutalikila. Eci ncencico mpoonya awa. Koya lino, kosekelela, kokkomana. Ca mana, kuli nduwe. Kosyoma a moyo wako oonse.

98 Yebo ujisi ciimo cakulibilika eco cakapa penzi lya mwida. Wa kaponesegwa cindi noka buka kusule okuya, munene. Nke kaambo Nda kali kulindila nduwe kusika mukati. Kozumanana, kulya cilalilo cako, koba kabotu.

99 Ii penzi lya mulindu, kulibilika, kunyongana. Mbo mbubo. Ciyo kusiya lino. Koya ku muunzi a kuba kabotu, mu Zina lya Mwami Jesu. Koba buyo a lusyomo.

100 Ujisi kunyongana kwaku bukaintu, nconyo, kucitya kusweka. Kwa lekela mu ovari. Kosyoma, Jesu Kristo uyo kubamba kuba kabotu. Koya ku muunzi, a kusyoma a moyo wako oonse.

101 Lino, uli jisi ciimo cibyaabi, cili mu moyo wako, cisinkila. Sena ula syoma kuti Jesu Kristo wakubamba kuba kabotu? [I mucizi waamba, “Iiyi.”—Mul.] Ikuti na ula cisyoma, koya mu Zina lya Mwami, a kuba kabotu. Koba a lusyomo muli Leza.

102 Ncibotu, mukwesu, sena ula syoma kuti Jesu Kristo wakubamba kuba kabotu, ayebo? Ko selemuka buyo mundando, kolumbaizya buyo Mwami.

103 Mbangaye kubusena okuya lino abo basyoma Mwami Jesu? Uli zyi boonse. . .

104 Muka. Nash, Ndili kuzi, pele Nse konzyi kucinca Mumuni oyo kulengelela ali nduwe. Ndili kuzi, pele ukombela muntuumwi umbi. Mwana muniini, mwana muniini, taponeni awa. Ula kkala kumusanza mu Tennessee. Akwalo, ukombela mweenzinyoko dokotela oyo ujisi penzi lya moyo. Elyo mukaintu wakwe wakazwaa kuba a kulebuka kuniini. Mbo mbubo. Kosyoma, nkabela inga waba kabotu.

105 Ii mulindu muniini kakkede kumamanino aa cuuno awo, a kanwe kakwe ku mulomo wakwe, ino uyeeya nzi, mulindu mukubusyi? Wa kajisi kunyongana kwa nsinga zya kuyeeya. Uli yoowede kuba aumwi. Mbo mbubo. Ikuti na mbo mbubo, tambika janza lyako, mbuli mbo sindula misozi yako kuzwa ku meso ako. Uta yoowi, nkabela toka citambula.

106 I mulindu uukkede muni lyako awo, ujisi penzi lya kufundilila mu kaango. Koima kufweba, kuyo kusiya.

107 Koba a lusyomo muli Leza. Kosyoma a moyo wako oonse. Ikuti na mwakonzya kusyoma, zintu zyoonse zilakonzeka!

108 Ngooyu mulindu ukkede nkoonya kusule lya mulindu oyu awa. Ndili masimpe uli . . . I mulindu, asyoonto buyo, zina lyakwe ngu Muka. Evans. Walo uzwa ku Kentucky, Louisville. Mbo mbubo. Ta ndi kuzyi yebo. Yebo ulizi kuti mbwini. Yebo ujisi

penzi lya moyo, ujisi penzi a matwi aako. Mbo mbubo. Ikuti na mbo mbubo, tambika janza lyako. Kojokela ku Louisville, Jesu Kristo wakubamba kuba kabotu.

<sup>109</sup> Nda zundikizya lusyomo lwako, mu Zina lya Jesu Kristo, ku cisyoma. Kufumbwa muntu mukati muno, kosyoma a moyo wako oonse! Kulaale kusule, kaimvwi kusule kwini, ula syoma. To elede kuba mu busena bumwi. Okuya ku lubazu olu, kosyoma! Mbangaye kusule okuya bayandikana kuponesegwa? Amutambike maanza anu, a kwaamba, “Nda syoma, Mwami.” Koba a lusyomo!

<sup>110</sup> Nkekede nkoonya kusule mu nzila *eyi* awa, Nda bona muntu oyo ukomba cakusinizya, mu cilengaano, uliimvwi alya, walo mukambausi, uli imvwi muni lya cikambaukilo, alimwi walo u kambaukila kusumpulwa . . . kukombela cakwiindila mu mulimo wakwe. Nsena mubwene kale mu buumi bwangu. Pele eco ncencico nco kombela, mukwesu. Uyo cijana lino. Kosyoma aa Mwami Jesu!

<sup>111</sup> Ngooyo mwaalumi uukkede kusule lyakwe okuya, oyo ujisi cintucimwi cilubide ku kuboko kwakwe, imbali lya kuboko kwakwe. Ngu akwalo . . . Ikuti na ula cisyoma, munene, inga watambula kuponesegwa kwako. Ameni.

<sup>112</sup> Buyo abusena awa kumamanino aa muncali oyu awa, umwi wabili mukati, mulindu muniini a mutwe wakwe kaukoteme, kujoka nkoonya kusule, kakkede awo kakomba, ujisi penzi lya mululwe. Nce ncico, mulindu, ko tambika janza lyako, alimwi Ndi lizi kuti yebo—yebo ndo nduwe wali kukomba. Wa katambula kuponesegwa kwako mpoonya buyo.

<sup>113</sup> Ino kujatikizya ncico, sena mula syoma kuti Jesu wakabuka kuzwa ku bafu? Sa Uli waano lino? Sena mula Mu syoma? Mpawo ikuti na muyo ndisyoma, ikuti na Nda mwaambila Bwini bwa Bbaibbele, nkabela Leza wanyona a kusimpikizya kuti Nda mwaambila Bwini, eco caamba kuti, cakulondoka kuti, Mwami Jesu mpali ano. Sa mbo mbubo?

<sup>114</sup> Mpawo kocita eci, cita eci, uta zumbauzyi, kobikka maanza ako aatala lya muntuumwi uukkede muni lyako. Njo komba kuzwa mpoonya awa, a nkamu yoonse yanu iyo ponesege ndyoonya lino ikuti na muyo cisyoma. Sa mula cisyoma? Amu bikke maanza anu atala lya umwi aumwi, mpawo. Boonse basyoma kuti muyo ponesege lino, amwaambe, “Ameni.” [Mbunga yaamba, “Ameni.”—Mul.] Lino nywebo . . . Ndiyo amba mupailo oyu. Amu cikombe, amu cikombe kutobela ndime:

<sup>115</sup> O Mwami, Mulengi wa Majulu a nyika, Mukamwini wa Buumi buteeli, Sikupa wa cipego coonse cibotu, Ndili mu kubula, Mwami, kwa nguzu Zyako zyakuponya. Elyo Nda komba kuti Uyo ndipa lusyomo lwa kucizumina. Eco ncisyomezyo Cako. Nda syoma kuti Nduwe Jesu nguonya wakeenda ku nkomwe zya Galilaya, wakapenga kungsi lya Pontiasi Pilato,



kafwa, wakabuka, katanta Kujulu, kupa zipego kujoka ku bantu, kwiinda mu Muuya Uusalala. Nda syoma Muuya Uusalala uli waano kuzwidilizya mulimo nguonya Ngo kacita cindi Ni wakali waano. Nda bukata cisyomezyo eco. Nda zumina kuponesegwa kwangu. Nda syomezya kuponena Nduwe a kuswiilila Milao Yako, kweenda mu Mumuni. Elyo lino Nda syoma, nkaambo Nda bamba kulyaambilila oku, kuti Nda ponesegwa ku mibunda Yako.

<sup>116</sup> Kokkala zii ncobeni. Lino koyeeya buyo, oko nko kulyaambilila kwako, Leza uboola muli nduwe ndyoonya lino. Koamba mu Muuya Uusalala, ku lusyomo, “Nda syoma kuti cimo cangu cili mukuponesegwa. Nda syoma kuti malwazi angu onse agusigwa.” Uli moonya eno mu Busyu bwa Leza. Sa tokonzyi kumvwa Muuya oyo? Kojula myoyo yako, lusyomo lwako—lwako. I kuponesegwa kwa Muuya Uusalala bantu ndyoonya lino; musimbi muniini ukkede awa, umwi umbi ku lulyo lwangu. I cibumbili coonse ciboneka kutintanya a Nguzu zya Kristo wakabuka. Uli ku bbunga. Uli mu bantu. Lino, oyo wakali mupailo wako.

<sup>117</sup> Lino Ndiyo komba a kulomba dyabulosi wa kuzumbauzya kuzwa kuli nduwe.

<sup>118</sup> O Mwami Leza, Mulengi wa Majulu a nyika, komvwa mupailo wangu, Mwami; cakufwambaana, kuciindi Muuya Uusalala nouliko, bantu kaba tana loba.

<sup>119</sup> Nda tapatila dyabulosi! Jesu Kristo waka gusya luzundo kuzwa kuli nduwe, Wa kakuwina aa Kalivari; Wa kazunda ku lufu, dyabulosi, gehena, a cuumbwe, a kubuka alubo aa buzuba bwatatu, nkabela ula pona kwalyonse. Kozwa awa, Saatani, uli cilenge cizundidwe. Kosiya bantu aba, a kubalekela kuponesegwa, mu Zina lya Mwami Jesu Kristo.

<sup>120</sup> Boonse batambula kuponesegwa kwanu, amwiime ku matende anu ndyoonya lino. Mu Zina lya Jesu Kristo, amubuke! Ameni. Amunyamune maanza anu kuli Nguwe, aku Mu lumbaizya. Biyo bantu Mbwe konzyi kubona abo batali atala, ngoyo mwaalumi awa ukkede mu whiluceya, Gane Heelie. Ndili buzui bulwazi bwakwe mbobubede, walo mulwazi wa poliyo.

<sup>121</sup> Boneka mbuli whiluceya kusule awa. Atu bone. Kuli kaambo, mulindu ujisi kuulu komwe. Sa mbo mbubo? Sena ula ndisyoma kuba musinsimi wa Leza? Ndili mweenzu kuli nduwe. Nse konzyi kukuponya. Pele sena ula syoma kuti Leza inga wandaambila penzi lyako mbolibede? [I mucizi waamba, “Iiyi.”—Mul.] Ikuti na cacita, sa inga cakugwasya? Uli dayabbetisi. Obo mbwini. Lino amu cisyome, a kuunka ku muunzi a kuba kabotu, mu wiluceya. Nku koonse nkoeleda kucita, nku syoma Mwami Jesu Kristo, a kuponesegwa!

<sup>122</sup> Tambika maanza ako lino, a—a kwaamba, “Ndaku Lumba, Mwami, ku kundi ponya. Ndaku Lumba, Mwami, ku kundi ponya. Nda Ku lumbaizya, Mwami, ku kundiponya. Leza mubotu! Leza mupati! Leza muyandisi! Leza ngwa kasimpe! Leza mpali ano! I Muuya Uusalala mpouli awa. I Nguzu zya Leza nkozili. Elyo lino Nda syoma a koonse kuli muli ndime, kuti Jesu Kristo, Mwana wa Leza, ula ndibamba kuba kabotu. Ameni.”

<sup>123</sup> Ikuti na kuli umwi awa upedwe mulandu wa cibi, alimwi ulizi kuti zibi zyako tazili kungsi lya Bulowa, alimwi ndyoonya eno mu Busyu bwa Leza, Oyo uuzi miyeeyo yako, alimwi Muuya Uusalala uli muku ndaambila eci, sa inga mwayanda ku Mu zumina mbuli Mufutuli wanu wacigaminina, muyanda kwiibalukwa mu mupailo? Amu tambike maanza anu, nyoonse nomuli mukati muno. Leza amu longezye, a nywebo, a nywebo, a nywebo, a nywebo. Mbo mbubo. Kusule okuya, yebo, a abusena awa. Masimpe. Kusule awa, Leza aku longezye, mulombe. Leza aku longezye okuya. Elyo Leza aku longezye. Mbo mbubo.

<sup>124</sup> Mwabona, Muuya Uusalala tau lubide. Cindi Muuya Uusalala waamba . . . Nda kali kulibambila kujula kuswaangana kwa Mukwesu Neville, ku kuponesegwa kwamana, pele Cintucimwi cakati, “Ba yandikana kuponesegwa kwa buntu.” Ikuti na uyanda kutambula Jesu mbuli Mufutuli wako wacigaminina, kukotamika mutwe wako asyoonto buyo. Atupe mupailo.

<sup>125</sup> Mukwesu Neville, Nda angide jwi loko, kopa mupailo oyu, sa ula cita. Yaa.

<sup>126</sup> [Mukwesu Neville wakomba, “Taata Wakujulu, mu Zina lya Mwami Jesu Kristo, Oyo wa keenda cabulemu kapati awa akati kesu sunumasiku, mbuli aba bakotamika mitwe yabo, mu lusyomo sunumasiku, kabasyoma kuti Ula konzya kubavuna, bonse buntu a mubili, vuna baabo basyoma eno mu lusyomo lwa kweempwa. Oyandwa Leza, akube kuti busiku obu bube busiku bumbi kuli mbabo. Ko bapa kuyanda eno, O Leza. Elyo ko bapa eno, O Mwami Jesu, olo luzibo luyandika maningi lwa zibi lwa jatilwa. Kovuna umwi aumwi, O Leza, abo bakotamika mitwe yabo okuya, abo balomba kuyandisya mu mupailo. Elyo akube kuti ba, kuzwa ciindi eci kuyabuya, akube kuti ba kanzile mu moyo wabo ku Mu ponena Oyo wakafwida. Mu Zina lya Jesu a ku kaambo ka Jesu twa lomba. Ameni, alimwi ameni. Alumbwe Mwami!”—Mul.]



*CITONDEZYO CA MESIYA* TNG59-0329E  
(The Sign Of The Messiah)

MATOBELANWA AA MILUMBE YA PASIKA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa aa Pasika Iya Munsondo mangolezya, Miyoba 29, 1959, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)